

## SAMARQAND VILOYATIDA MUSTAMLAKA SIYOSIY-MA'MURIY BOSHQARUV TIZIMNING O'RNATILISHI

Yoqubov Azamat Ro'ziboyevich

Soporbayev Umrbek Soporboy o'g'li

Xorazm viloyati Urganch tumani 50- son maktabning tarix fani o'qituvchilari

### ANNOTATSIYA

Bugungi kunda Vatanimiz tarixiga yangidan va xolisona nazar tashlash, ayniqsa, XIX asr ikkinchi yarmi - XX asr boshlaridagi mustamlakachilik davri tarixi xususan, Samarqand viloyati tarixini o'rganish nafaqat ilmiy jihatdan, shu bilan birga ijtimoiysiyosiy va ma'naviy jihatdan dolzarb ahamiyat kasb etadi.

**Kalit so'zlar:** General-gubernator, Zarafshon okrugi, Nizom, Harbiy, Boshqarma, Boshqarma

Hozirgi paytda mamlakatimizning uzoq tarixiy taraqqiyoti jarayonida ajdodlarimiz tomonidan yaratilgan boy moddiy va madaniy merosni chuqur o'rganish, ularni asrab-avaylab kelajak avlodlarga yetkazish, yoshlarni vatanparvarlik ruhida tarbiyalash, ularni milliy istiqlol g'oyalari atrofida mustahkam jiplashtirishga alohida e'tibor berilmoqda. Ushbu keng qamrovli vazifalarni izchil amalga oshirishda barcha ijtimoiy-gumanitar fanlar qatori tarix fani ham yetakchi o'rinlardan birini egallaydi. Istiqlol sharofati bilan O'zbekiston tarixini izchil hamda xaqqoniy tarzda o'rganish yuzasidan ko'plab sa'y-harakatlar, turli darajadagi ilmiy izlanishlar va tadqiqotlar amalga oshirilmoqda.

Bugungi kunda Vatanimiz tarixiga yangidan va xolisona nazar tashlash, ayniqsa, XIX asr ikkinchi yarmi - XX asr boshlaridagi mustamlakachilik davri tarixi xususan, Samarqand viloyati tarixini o'rganish nafaqat ilmiy jihatdan, shu bilan birga ijtimoiysiyosiy va ma'naviy jihatdan dolzarb ahamiyat kasb etadi. Bu haqida O'zbekiston Respublikasi Prezidenti Sh.Mirziyoyev alohida to'xtalib, "Samarqand tuprog'ida voyaga yetgan Mahmudxo'ja Behbudiy, Abduqodiy Shukuriy, Hoji Muin, Saidahmad Siddiqiy, Abdulhamid Majidiy singari o'nlab ma'rifat fidoyilarining qoldirgan merosini bugungi kunda ham ma'naviyatimizni yuksaltirishda, yoshlarimizni milliy va umuminsoniy qadriyatlar ruhida



tarbiyalashda muhim manba bo‘lib xizmat qilmoqda”<sup>1</sup> deya haqli ta’kidlab o‘tgan. Bundan tashqari, Samarqandda - Imom Buxoriy ilmiy markazida hadisshunoslik maktabini tashkil etsak, o‘ylaymanki, juda foydali bo‘ladi<sup>2</sup> deb Samarqand diyoriga alohida e’tibor bergan.

Shundan kelib chiqib bugungi kunda O‘zbekiston tarixi, shu jumladan, Samarqand viloyati tarixini, uning Turkiston general-gubernatorligida tutgan o‘rmini bir yoqlama qarashlar hamda o‘tmishni soxtalashtirishdan voz kechgan holda, zamonaviy yondashuvlar asosida har tomonlama xolis va haqqoniy yoritish mavzuning dolzarbligini belgilaydi.

1868-yil 23-iyunda Buxoro amiri Turkiston general gubernatori fon Kaufman bilan sulh tuzib, Rossiyaning vassaliga aylandi. Bu sulhga ko‘ra, Buxoro amiri mustaqilligini yo‘qotibgina qolmay, Samarqand, Kattaqo‘rgon va Zarafshon daryosining yuqori qismidagi yerlardan ham ajraldi. Rossiya imperiyasi tomonidan bosib olingan xududlarda ma'muriy-hududiy birlik, ya'ni markazi Samarqand bo‘lgan Zarafshon okrugi tuzildi, uning boshlig‘i etib Aleksandr Konstantinovich Abramov tayinlandi. 1867-yildagi "Turkistongeneral-gubernatorligi viloyatlarniboshqarish haqidagi vaqtli Nizom loyihasi" deb atalgan qonunlar majmuasiga ko‘ra ko‘chmanchi aholigaikki bosqichli (volost va ovullar), o‘troq aholiga esa bir bosqichli (oqsoqolliklar) boshqaruv tizimi joriy qilindi. Turkiston general-gubernatorligi tomonidan 1868-yilda tashkil etilgan Zarafshon okrugidastlab Samarqand va Kattaqo‘rgon bo‘limlaridan iborat bo‘ldi. 1871-yilda ularga yangi ma'muriy-hududiy birlik-tog‘li tumanlar qo‘shildi. U Zarafshon daryosining yuqorisida joylashgan mayda beklıklardan tuzildi. Turkiston general-gubernatorligini boshqarish bo‘yicha dasturiy hujjatlarning ishlab chiqarilishida “harbiy vaziyfa” omili xal qiluvchi ahamiyat kasb etdi. Ana shu omil Turkiston general-gubernatorining 1868-yil 19-iyunda tasdiqlangan "Zarafshon okrugini boshqarishning vaqtinchalik qoidalari" da ham o‘z aksini topdi. Hujjatning asosiy majmuyi K.P.Kaufmannning bevosita rahbarligida ishlab chiqildi, unda ma'muriy tizim "harbiy-xalq boshqaruvi" deb ataldi.

1886-yilgi “Turkiston o‘lkasini boshqarish nizomi” ga muvofiq, Turkiston o‘lkasining ma'muriy-hududiy bo‘linishi o‘zgartirildi. Bunda mavjud birliklarni

<sup>1</sup> Мирзиёев Ш. Самарқанд – Ер юзининг сайқали // Буюк келажакимизни мард ва олижаноб халқимиз билан кураимиз. –Тошкент.; Ўзбекистон, 2017. –Б. 178.

<sup>2</sup> Мирзиёев Ш. Миллий тараққиёт йўлимизни қатъият билан давом эттириб, янги босқичга кўтарамиз. –Т.; Ўзбекистон, 2017. –Б. 491.



unifikatsiyalash prinsipiga izchil rioya qilina boshlandi. Zarafshon okrugi Samarqand viloyatiga aylantirildi<sup>3</sup>. Uning tarkibiga Sirdaryo viloyatining Xo‘jand va Jizzax uyezdlari o‘tkazildi va keyinchalik Samarqand viloyati Jizzax, Kattaqo‘rgon, Samarqand va Xo‘jand uyezdlaridan tashkil topdi<sup>4</sup>.

Shunday qilib, 1886-yilgi Nizomdan so‘ng o‘lka idorasi markaziy, viloyat, tuman (uyezd), jabha (uchastka), qishloqva shahar boshqaruvi shaklida tashkil topdi. Samarqand shahri viloyat boshqaruvi qarorgohi hisoblangan.

Siyosiy boshqaruvda olib borilgan o‘zgarishlar mahalliy boshqaruvdagi tashkilot vakadrlarning shakllanishiga olib keldi. Jumladan, dastlab Zarafshon okrugida Samarqand va Kattaqurgon bo‘limlari tashkil etilgan edi. Shu munosabat bilan chor ma'muriyati tomonidan okrug boshqaruv tizimida yangi lavozimlar tashkil etildi. Xususan, Turkiston general-gubernatorining 1869-yil 24- oktyabrdagi tasdig‘i bilan Zarafshon okrugi boshqaravi asosan quyidagi lavozimlardan iborat bo‘ldi:

-Zarafshon okrugi boshlig‘i,

-Zarafshon okrugi devonxonasi boshlig‘i,

-Devonxonash yurituvchisi; Bo‘limlari bo‘yicha:

-Samarqand Bo‘limi

-Kattaqo‘rgon bo‘limi boshlig‘i,

-Bo‘lim yordamchilari (biri ruslardan. yanabiri mahalliy aholi vakilidan) tarjimonlar va boshqa lavozimlar shular jumlasigakirdi.

“Zarafshon okrugini boshqarishning muvaqqat qoidalari”ga ko‘ra, okrug boshlig‘i izmidaharbiy, ma'muriy, politsiya va sudlov hokimiyati bo‘lgan. Shu bilan bir qatorda, Zarafshon okrugi ma'muriyatigadiplomatik vazifalar ham berilgandi. Ya'ni, Zarafshon okrugi boshlig‘ining vakolatiga qo‘shni Buxoro amirligining beklklari bilan “chegaramunosabatlarini olib borish” hamkirdi.

Okrugni rus armiyasi generallaridan shaxsan podshoning o‘zi tayinlaydigan kishilar boshqargan. Zarafshon okrugi markazi hisoblangan Samarqand shahrida ham shahar boshqaruvi tarkibi quyidagi bo‘limlardan iborat bo‘lgan:

Okrugda umumxalq ishlari bo‘yicha mudir va shahararxitektori.

Okrugda sug‘orish ishlari bo‘yichamudir.

Okrugdagi aksiz soliqlari bo‘yichamudir.

Shaharhokimi.

<sup>3</sup> История Самарканда. –Т.: Фан, Т. 1.–С. 304.

<sup>4</sup> Абдурахимова Н.А., Эргашев Ф.Р. Туркестонда чор мустамлака тизими. –Т.: Академия, 2002.



Aytish joiz, harbiylashtirilgan byurokratiya okrugdagi (keyinchalik viloyatdagi) boshqaruv tizimining barchaasosiy nuqtalarini egallagan edi. Faqat volost va qishloqdarajasidagi boshqaruvni tashkil etish go'yo mahalliy jamiyat ixtiyoriga berilgandi.

1886-yilgi "Turkiston o'lkasini boshqarish haqidagi Nizom"dan so'ng Zarafshon okrugi Samarqand viloyati deb o'zgartirildi va viloyat, tuman, (uyezd), jabha (uchastka), qishloq va shahar boshqaruvi shaklida tashkil topdi. Viloyat boshqaruvi: harbiy gubernator va viloyat boshqarmasidan iborat bo'ldi<sup>5</sup>. Samarqand viloyat boshqarmasi 3 bo'limdan iborat bo'lgan:

-Farmoyish beradigan bo'lim;

-Xo'jalik bo'limi;

-Ssuda bo'limi;

Samarqand viloyat boshqarmasi harbiy gubernator gabo'ysungan. Viloyatni rus armiyasi generallaridan shaxsan podshoning o'zi tayinlaydigan harbiy gubernatorlar boshqargan. Ular harbiy va fuqaro hokimiyatini o'z qo'lidatutgan. Harbiy sohada viloyatdagi qo'shinlar (diviziya yoki korpus) qo'mondoni, fuqaro ishlarida esa gubernator huquqiga ega bo'lgan barchama'muriy, politsiya va sud hokimiyati ham ularning izmidabo'lgan. Ya'ni, harbiy gubernatorlarga mohiyatan diktatorlik vakolatlari berilgan edi. Bular: volost boshqaruvchilarini lavozimga tasdiqlash yoki saylovlar bekor qilingan taqdirda, ulami o'z ixtiyoriga ko'ra tayinlash, xalq sudyalarini va sudyalikka nomzodlarni tasdiqlash hamda ular tasdiqlanmagan taqdirda, yangi saylovlarni tayinlash, o'z ixtiyoriga ko'ra, uyezd ma'muriyati a'zolarini tayinlash va ishdan olish (uyezdboshligi bundan mustasno bo'lib, ular to'grisida faqat general-gubernator nomiga taqdimnomayozilardi); uyezd boshliqlari tubaholiva killariga belgilangan jarimani to'lash yuzasidan kelgan shikoyatlarni ko'rib chiqqan.

Samarqand viloyatini 1886-yildan 1917-yilga qadar 8 ta gubernator boshqargan bo'lib, o'rtahisobda ularning har biriga 3-4 yil muddatdan to'g'ri kelgan. Tarixiy ma'lumotlarbu gubernatorlar - A. Yafimovich, N. Rostovtsev, M. Federov, V. Medinskiy, A. Gasket, A. Galkin, N. Likoshin kabilarning faoliyatiga oid keng ma'lumotlar beradi. Ularning barchasi ma'lumotli, zodagon dvoryanlar bo'lgan. Viloyat harbiy gubernatorlarining maoshi 15 ming rublgacha bo'lib, bu markaziy

<sup>5</sup> Бродовский М. Заметки о земледелии в Самаркандском районе // Туркестанский сборник. –СПб., 1873.–С. 419447.



Rossiyadagi gubernatorlamikidan 2 barobar ko'p edi. Samarqand viloyat boshqarmasi quyidagi shtatlardan iborat bo'ldi:

- 1) Viloyat boshqarmasi raisi (shuningdek, harbiy gubernatoryordamchisi);
- 2) Maslahatchilar (Bo'limboshliqlari);
- 3) Ish yurituvchilar;
- 4) Ish yurituvchilaming yordamchilari;
- 5) buxgalter;
- 6) Tarjimon.

Viloyat boshqarmasi raisi shuningdek, harbiy gubernator yordamchisi hisoblangan. U harbiy gubernator tobi qochgan, yo'q bo'lganyoki bo'shatilgan hollarda uning xizmat

vazifasinibajargan. Gubernatoryordamchisi general gubernator taqdimnomasi orqali ishga tayinlangan. Samarqand viloyat boshqarmasi vazifasiga quyidagilar kirgan:

- viloyatnima'muriybo'lishvatashkiletish;
- hukumatqonunvafarmoyishlarini e'lon qilish;
- amaldorlami ishga tayinlash, ishdan chetlatish va mexnat ta'tili berish, mukofotlarga taqdim etish, nafaqa va maosh belgilash, mansabdor shahslami sudga topshirish:
- chet elliklami fuqarolikka qabul qilish;
- aholionirrtasidayernitaqsimlash;
- viloyatda obrok Bo'limlariniboshqarish;
- viloyatda yarmarka va bozorlami ta'sisetish;

- viloyatning statistik ma'lumotlarini to'plash mahalliy aholi davlat solig'ini to'lovlarini o'z ichiga olish;
- fuqarolik va jinoyat ishlarini sud dasturini o'z ichiga olish;
- maxfiy hujjatlarini tuzish;
- viloyatdagi barcha savdo va pudratlami yurgizish, shartnomalar tuzish.

Bular gubernator devonxonasi, guberniya vrachlik mahkamasi, davlat mulki palatasi, okrug sudlari va hokazo. Shuningdek viloyat tibbiy nazorati viloyat vrachiga yuklangan, u guberniya vrachligi nazoratchisi huquqlaridan foydalangan va bevosita harbiy gubernatorga bo'ysungan. Viloyat boshqarmasi qoshida irrigatsiya ishlarini boshqaruvchi amaldor bo'lib, asosiy ug'orish kanallari, sug'orish ariqlariga qo'shimcha bo'lgan va ulardan ajralib chiquvchi sug'oruvchi kanallar,



suvoʻtkazgichlarini nazorat qilish, yangi irrigatsiya inshootlari, mavjud inshootlarni yaxshi tutish, taʼmirlash va qayta qurishda texnik koʻrsatmalar bergan.

Xulosa qilib aytadigan boʻlsak, XIX asrning ikkinchi yarmida Rossiya imperiyasining Turkiston oʻlkasidagi harbiy yurishlari natijasida, Buxoro amirligining Xoʻjand, Oʻratepa, Samarqand, Kattaqoʻrgʻon kabi siyosiy jihatdan muhim strategik oʻringa hududlari ajratib olinib, bu hududda dastlab Zarafshon okrugi keyinchalik esa, Samarqand viloyatitashkil etildi. Shundan boshlab, Rossiya imperiyasi maʼmuriyati tomonidan oʻzining manfaatlaridan kelib chiqib mustamlakachilik siyosati amalga oshirdi. Bu davrda Rossiya imperiyasi sanoat korxonalarini uchun zarur boʻlgan paxta maxsuloti yetkazib berish birinchi darajaga koʻtarilib, qishloq xoʻjaligida dehqonchilik qilinadigan sugʻoriladigan deyarli barcha yerlarga paxta yetishtirish kuchaytirildi. Shu bilan birga viloyatda mustamlakachilik boshqaruv tizimi toʻliq oʻrnatildi.

## REFERENCES

1. Мирзиёев Ш. Самарқанд – Ер юзининг сайқали // Буюк келажакимизни мард ва олижаноб халқимиз билан қурамыз. –Тошкент.; Ўзбекистон, 2017. –Б. 178.
2. Мирзиёев Ш. Миллий тараққиёт йўлимизни қатъият билан давом эттириб, янги босқичга кўтарамиз. –Т.; Ўзбекистон, 2017. –Б. 491.
3. История Самарканда. –Т.: Фан, Т. 1.–С. 304.
4. Абдурахимова Н.А., Эргашев Ф.Р. Туркистонда чор мустамлака тизими. – Т.: Академия, 2002.
5. Бродовский М. Заметки о земледелии в Самаркандском районе // Туркестанский сборник. –СПб., 1873.–С. 419-447.